



**ATASSUT**

**UKA 2015/55**

**Steen Lyngø**

**11. 11. 2015**

**Meeqqanut suli atualinngitsunut perorsaaniikkut ineriartuutaasunik ulluunerani neqeroorutitut pissarsinissamut utaqqisarnerup qaammatinik immikkut aalajangersarneqartunik qaangerneqaqqusaajunnaarnissaa anguniarlugu, Meeqqanut suli atualinngitsunut perorsaaniikkut ineriartuutaasunik ulluunerani neqeroorutit pillugit Inatsisartut inatsisaanni nr. 16, 3. december 2012-imeersumi § 5-ip allanngortinneqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Tillie Martinussen, Demokraatit)

Siullermik siunnersuuteqartoq Demokraatineersoq ATASSUT-mit qutsavigissavarput aalajangiiffigisassatut siunnersuummik saqqiummissineranut, taannalu imatut ATASSUT-mit oqaaseqarfigissavarput:

ATASSUT-mit siunnersuuteqartup tunngavilersuutai paasillaarsinnaavagut aamma arlaannaatigulluunniit assortorsinnaanngilavut, qanoq nunatta avataani ilinniartortatsinnut pingaaruteqartiginersoq, uternissaminut kajumissuseqarluarnissaat aammalu ilinniakkaminnik naammassinnissimallutik uterunik inuunermik nutaamik aallartitsinissaminni pitsaasunik sinaakutissaqarnissartik, kisianni aamma nunaqavissunut allanut inuiaqatigiinnut imminut pilersorsinnaassuseqarlutik tunniusseqataarusuttut aamma ulluunerani paaqqinnittarfinnut periarfissaqarnissaat, kisianni tassa pingaarnertut – pingaarnerpaavoq meeqqat ulluunerani paaqqinnittarfinniittut pitsaasunik, aqqissugaasunik toqqissisimanartunillu avatangiiseqarnissaat, timikkut eqqarsartaatsimikkullu ineriartorfiullaarsinnaasut.

Taamaattorli ATASSUT-mit pisariaqarsorinngilarput maannakkut, immikkut inatsisiliortoqartariaqarnera, susassaqtut assigiinngitsut suut taama illoqarfinni nunaqarfinnilumi utaqqisoqarneranut peqqutaasinnaanerinik paasiniaallutik suliaqalereersut.

Taamatut ATASSUT-mit oqaaseqarluta siunnersuutip itigartinneqarnissaa innersuussutigissavarput.